

Mbeti ti Nzapa - Protection Scriptures

Jérémie 1:18 Ba, la so Mbi sala si mo ga tonga na gbada ti bira, na pilier ti ouin, na gbagba ti bira ti guenguere, ti ke sesse ni koue; ti ke agbia ti Juda, amakounzi ni, asacrificateur ni, na ajo ti sesse ni.

Ezéchiel 3:18 Tonga na Mbi tene na jo ti sioni, Fade mo koui biani; na mo mou ouango so na lo pepe, ouala mo sala tene pepe ti oua jo ti sioni ti ke sio legue ti lo, na ti sau fini ti lo; fade jo ti sioni so a koui na ya sioye ti lo; mais fade Mbi hounda mene ti lo na ti ti mo.

Jérémie 6:27 Mbi sala si mo ga jo ti ndao ti tara ouin, na mo ga gbada ti bira na popo ti ajo ti Mbi, si mo lingbi hinga na tara legue ti ala.

Leviticus 26:19 Fade Mbi fouti fandara ti ngangou ti i, na Mbi sala si lè-ndouzou ti i a ga tonga na ouin, na sesse ti i a ga tonga na guenguere;

Deuteronomy 23:5 Mais L'Eternel Nzapa ti mo A ma yanga ti Balaam pepe, na L'Eternel Nzapa ti mo A bian tene ti zonga ti ga tene-ndjoni na li ti mo, teti L'Eternel Nzapa ti mo A ndoye mo.

Aromain 12:21 Djia sioni a ho ndo ti mo pepe, mais mo ho ndo ti sioni na legue ti ye ti ndjoni.

Psaume 143:8 Sala si mbi ma tene ti ndjobe ti Mo na ndapelele, Teti mbi djia be ti mbi na Mo. Sala si mbi hinga legue so a lingbi mbi tambela da, Teti mbi ya âme ti mbi na Mo.

Psaume 143:10 Fa na mbi legue ti sala ye so Mo ye, Teti Mo yeke Nzapa ti mbi. Djia ndjo Yingo ti Mo A fa na mbi legue so a yeke mbilimbili.

Psaume 94:12 Nguia a yeke na jo so Mo se lo, O L'Eternel, Na Mo fa na lo tene ti Ndia ti Mo,

Aproverbe 27:12 Jo ti ndara a ba ye ti sioni, na lo honde tele ti lo, Mais ajo so li ti ala a yeke da pepe, ala ho, na ala ouara mbanga.

Philippe 2:16 na i yeke ya na ndouzou Tene so a mou fini. Tonga so mbi yeke na ye ti sala gloire da na la ti Christ, teti mbi kpe guiriri sengue pepe, na mbi sala sengue pepe.

Esaïe 49:4 Mais Mbi tene, Mbi sala koussala sengue, Mbi fouti ngangou ti Mbi teti ye pepe na teti ye sengue; mais fa'ngo-mbanga ti Mbi ti mbilimbili a yeke na L'Eternel na founta ti Mbi a yeke na Nzapa ti Mbi.

Psaume 76:4 Ka, Lo fa' kondoro ti nguindi, Vala, épée, na ye ti bira. Sélah.

Ahébreu 13:21 A lingbi Nzapa A mou na i aye koue ti ndjoni si i lingbi sala ye so Lo ye. Na legue ti Jésus-Christ, a lingbi Lo sala na ya ani ye so a ba ndjoni na le ti Lo. Yango-iri a yeke ti Lo la koue la koue! Amen.

1 Corinte 16:15 I hinga, a-ita, ajo ti da ti Stéphanas a yeke akodjo jo ti sesse ti Achaïe so a ma na be, na ala leke be ti ala ti sala koussala teti

ajo ti be-voulou.

Philippe 1:27 Mais a lingbi tambela ti i a lingbi na Tene-ndjoni ti Christ; tonga so, tonga na mbi ga ti ba i, ouala mbi ga pepe, mbi lingbi ma tene ti i, i yeke douti kpo na ya yingo oko, i tiri na be-oko teti mabe ti Tene-ndjoni;

1 Corinte 15:58 Teti tene so, a-ita ti mbi so mbi ndoye i mingui, i douti kpo, i djia ye a yingui i pepe, i ouou na koussala ti Seigneur la koue, teti i hinga koussala ti i a yeke sengue pepe na ya Seigneur.

Colosses 4:12 Epaphras, lo so a yeke mbeni oko ti i na boy ti Christ Jésus, a balao i, lo yeke tiri teti i la koue na ya sambela ti lo, si i louti tonga na ajo so a lingbi koue, na i hinga na be ti i biani ye koue so Nzapa A ye.

2 Kings 19:34 Fade Mbi bata kodro so ti sau kodro ni, tene ti iri ti Mbi mveni, na tene ti boy ti Mbi David.

Jérémie 15:20,21 Na fade Mbi sala si mo ga gbagba ti bira ti guenguere teti ajo so; fade ala tiri na mo, mais ala lingbi ho mo pepe, teti Mbi yeke na mo ti sau mo na ti dji mo, L'Eternel A tene. 21 Fade Mbi dji mo na ti ti ajo ti sioni so, na fade Mbi ton' mo na ti ti ajo so a sala ngangou na jo.

Psaume 55:19 Fade Lo ton' âme ti mbi na ti ti ajo so a sala bira na mbi, simbi douti na siriri; Teti ala so a tiri na mbi, ala yeke mingui.

Ezéchiel 30:24 Fade Mbi sala si gbia ti Babylone a ouara ngangou, na Mbi djia épée ti Mbi na maboko ti lo; mais fade Mbi fa' ti ti Pharaon, na fade lo bima na gbele Nebucadnetsar legueoko tonga na jo so a yeke na ka ti koui.

Revelation 3:18 Mbi oua mo ti vo na ti ti Mbi l'or so a to ni na ya oua, si mo lingbi ga jo ti mossoro. Na mo vo voulou bongo ti you si ajo a ba kamela ti mo pepe. Na mo vo pommade ti le ti djia na le ti mo si mo lingbi ba ndo.

1 Jean 3:17 Tonga na mbeni jo a yeke na ye ti sesse so, na lo ba ita ti lo so ye a manqué lo mingui, na be ti lo a ke ti mou ye na lo, ndoye ti Nzapa a douti na ya lo tonga na gne.

Esaïe 50:4 Seigneur L'Eternel A mou na Mbi yanga so a hinga ti sala tene, si Mbi lingbi hinga legue ti sala tene ndjoni na jo so a nze; Lo djingo Mbi na ndapelele koue, Lo sala si me ti Mbi a ma tene tonga na adisciple.

Psaume 18:40 Mo you mbi na ngangou tonga na ceinture teti bira; Ajo so a loundou ti ke mbi, Mo bi ala na sesse.

2 Samuel 22:40 Mo you mbi na ngangou tonga na ceinture teti bira; Ajo so a loundou ti ke mbi, Mo bi ala na sesse.

Psaume 89:44 Biani, Mo sala si yanga ti épée ti lo a za pepe, Na Mo sala si lo louti na ya bira pepe.

Ezéchiel 13:6 Ala ba ye sengue, na guingo-bendo ti vene, ala so a tene,

L'Éternel A tene; mais L'Éternel A to ala pepe; na ala kou ti ba tonga na tene ti ala a ga tâ tene.

Leviticus 26:37 **Fade ala ti na ndo a-ita ti ala legueoko tonga na jo a kpe na gbele épée, kamême jo a touma ala pepe; fade i yeke na ngangou ti louti na gbele aouato ti i pepe.**

1 Corinte 14:8 **Na tonga na trompette a toto mbilimbili pepe, fade jo gne a leke tele ti lo teti bira.**

Job 15:24 **Ye ti ngangou na ye ti voundou a mou mbito na lo; Ala gbo lo legueoko tonga na gbia so a leke tele ti lo ti sala bira.**

1 Chronique 12:8 **Ambeni jo ti mara ti Gad a djia Saül na ala goue na David na gbada ti bira so a yeke na yando. Ala yeke aoualombe ti ngangou so a hinga legue ti sala bira, na ala hinga legue ti sala na vala na likongo. Lè ti ala a yeke tonga na lè ti abamara, na ala lingbi kpe mingui tonga na agazelle na tele ti hoto.**

1 Chronique 12:33 **Ajo ti mara ti Zabulon a yeke koutou balioukou, ala yeke ajo so a hinga legue ti leke tele ti ala teti bira, na ala lingbi tiri bira na mara ti ye ti bira koue. Be ti ala koue a yeke oko.**

1 Chronique 12:38 **Ajo so koue a yeke ajo ti bira so a hinga legue ti leke tele ti ala teti bira. Ala so koue a ga na Hébron, na ala leke be ti ala ti sala si David a ga gbia ti ajo ti Israël koue. Tanga ti ajo ti Israël koue a ye da nga ti sala si David a ga gbia.**

Luc 10:19 **Ba, Mbi mou na i ngangou ti doro angbo na akpalakongo na gbe guele ti i, na ti ho ngangou koue ti ouato-sioni. Fade ye oko a sala ngangou na i pepe.**

2 Corinte 7:10 **Teti voundou so a loundou na Nzapa a sala si ajo a changé be ti ala, si ala ouara salut so voundou a yeke da pepe; mais voundou ti sesse so a mou koui.**

2 Timothée 2:25,26 **na legue ti tâ be ti melengue lo oua ala so a ke tene; tonga so peut-être Nzapa A sala si ala changé be ti ala si ala hinga tene-biani mbilimbili, 26 na li ti ala a ga da mbilimbili, na ala si guigui na ya son ti djabalo, lo so a gbo ala ti sala ye so lo ye.**

Néhémie 4:15 **Na tene a si tonga so, tonga na aouato ti ani a ma so ani hinga tene so aoue, na Nzapa A sala si ouango ti ala a ga sengue, ani koue ani kiri na gbagba ni, ajo oko oko koue na ndo ti koussala ti ala.**

Psaume 73:24 **Fade Mo fa legue na mbi na tene ti ouango ti Mo, Na ndani, fade Mo kamata mbi na ya gloire.**